

Latit. Gr. Scr.	Longit. Gr. Scr.	88 INDEX GEOGRAPHICUS.
		Chanaan. Mesraïm & Phuth in Africa sedem retinuere. Mesraïm in Ægypto, Lybia, & confiniis; Phuth in Africa propriè dicta, ubi est Putea urbs; in Mauritania, ubi Phuth fluv. & alibi cum ipsi ut plurimum fuerint Nomades.
38. 30.	63. 0.	Pisidia Asiæ Minoris Regio, inter Phrygiam, Lycaoniam, & Pamphiliam: forteque & aliquando Pamphylia pars. Paulus & Barnabas, Act. 13. v. 14. pertranseuntes Pergen, venerunt Antiochiam Pisidia.
42. 30.	68. 0.	Pontus. Genes. 14. v. 1. & 9. Arioth Rex Ponti est inter Reges, qui cum Chodorlahomore bellum gerunt contra Sodomorum, aliarumque urbium circumvicinarum Reges. Ex Ponto etiam aliqui fuere Jerosolymis, qui ab Apostolis Euangelium sua lingua audire. Ponti meminit Epistola 1. Petri 1. v. 1. Asiæ regio inter Cappadociam & Pontum Euxinum.
32. 7½	66. 52½	Prædium Joseph, apud Joann. 4. v. 5. Venit (Jesús) in civitatem Samariæ, quæ dicitur Sichar, juxta prædium, quod dedit Jacob filio suo. De prædio illo: Genes. 33. v. 19. Emitque (Jacob) partem agri, in qua fixerat Tabernacula, à filiis Hemor patris Sichem, centum agnis. Et 48. v. 22. (Jacob Josepho) Do tibi partem unam extra fratres tuos, quam tuli de manu Amorrhæi. Josue 24. v. 32. Ossa Joseph, quæ tulerant filii Israël de Ægypto, sepelierunt in Sichem, in parte agri, quem emerat Jacob à filiis Hemor patris Sichem, centum novellis ovibus, & fuit in possessionem filiorum Joseph.
		Ptolemæis. Vide Acco.
40. 55.	38. 12½	Puteoli, Act. Apost. 28. v. 13. qua Paulus appulit Romam iturus, locus est in littore Campaniæ Fœlicis.
33. 12½	66. 52½	Puteus aquarum viventium. In Cantico Canticorum 4. v. 15. Fons hor- torum, Puteus aquarum viventium, quæ fluunt impetu de Libano. Puteus ipse propè Tyrum putatur, ex ea parte Libani, quæ postea Antilibanus dicta est.
30. 59.	65. 24.	Puteus viventis & videntis, ex Genes. 16. v. 14. Sic ab Agar vocatus est, quod eam hic Angelus Domini allocutus esset; Puteus est inter Cades & Barad in deserto.
Q.		
31. 28.	67. 0.	Quarantana desertum non longè à Jericho, & à Mari Mortuo, in quod Christus à Spiritu ductus jejunavit quadraginta diebus, & quadraginta noctibus, posteaque variè tentatus est à Satana, ex Matth. 4. Marc. 1. Luc. 4.
31. 45.	66. 52.	Quercus fletus, sub quo Debora Rebeckæ nutrix sepulta est. Vide Bethel.
32. 9.	66. 49.	Quercus Sichem. Jos. 24. Post recensita à Deo beneficia accepta, populum, quem in Sichem congregaverat, monet, ut soli Deo serviat; quod cum promitteret, hæc omnia scripsit, & in rei testimonium posuit grandem lapidem subter Quercum in Sanctuario Domini. Putatur hæc Quercus penes Sichem, & ubi Abimelech à Sichemitis factus est Rex in Israël; maluerim in ipsa urbe.
R.		
32. 20.	68. 8.	Rabba. Josue 13. v. 25. Aroër, quæ est contra Rabba, i. quæ posita sunt in contrariis diversissimisque partibus Tribus Gad. 2. Reg. 11. v. 1. Joab vastavit filios Ammon, & obsedit Rabba, Davide in Jerusalem remanente. 12. v. 26... Sed Joab, cum urbs Rabba jamjam capienda esset, Davidi nuntios misit, ut ipse præsens adesset, & victoriæ gloriam omnem re-